

萬 有 文 庫

第一集一子種

王雲五主編

前 漢 書

莊適選註

商務印書館發行

編主五雲王
庫文有萬

種千一集一第

書 漢 前

註選適莊

路 南 河 海 上
五 雲 王 人 行 發

路 南 河 海 上
館 書 印 務 商 所 刷 印

埠 各 及 海 上
館 書 印 務 商 所 行 發

版 初 月 二 十 年 二 十 二 國 民 華 中

究 必 印 翻 權 作 著 有 書 此

The Complete Library

Edited by

Y. W. WONG

SELECTIONS FROM CHIEN HAN SHU
WITH INTRODUCTION AND NOTES

BY CHUANG SHIH

PUBLISHED BY Y. W. WONG

THE COMMERCIAL PRESS, LTD.

Shanghai, China

1933

All Rights Reserved

序言

漢書之作，始於班彪。彪以史記自武帝太初以後，皆缺而不錄，乃作後傳數十篇。彪子固，以所續未詳，又綴集所聞，斷代爲之，起高帝終平帝，訖王莽之誅，成爲漢書。而八表及天文志未竟，卽卒，和帝詔其妹昭就東觀藏書踵成之，是漢書之成，實經班氏父子三人之手。

史記起五帝，訖漢武，凡五十萬言，漢書祇記一代，乃八十餘萬言，論者每以是定二書之優劣。然不能云爾也，遷主行文，固主載事，故史簡而漢繁。況遷於經術之文，幹濟之策，多不收入，固則如賈誼之治安策，鼂錯之言兵事，趙充國之屯田奏等，凡關於國家大計不可缺者，無不備載；他如司馬相如之諭巴蜀檄，諫獵賦等，雖未見重要，亦可爲後世詞賦之祖。

固才較遷似遜，然其整齊一代之書，文贍事詳，與遷書異曲而同工。其於孔光張禹，直筆詆譏，盡情描寫，洵不愧爲良史。而文法之謹嚴，敘事之清晰，尤非瑜不掩瑕之范書可比。故其書初出，卽已傳誦一時。

本編已屬稿二次矣。第一次稿方在排比，而一二八之變作，盡付劫灰。今茲重作，期限迫急，疎漏益多，倘蒙當代史學家加以指正，不勝歡幸！

本編初著手時，選材多與從姊丈翁佩孚先生商榷而定；先生績學士，今歸道山，已六年矣，竟不覩是編之成也！此次助編之翁萃，卽其女公子；家學有自，而兩代與此書爲緣，亦可異已。

民元二十二年二月武進莊適識

目錄

高帝紀·····一

劉向傳·····五九

賈誼傳·····一〇三

鼂錯傳·····一四一

李陵蘇武傳·····一六九

司馬相如傳·····一九二

張騫傳·····二一二

霍光傳·····一二五

趙充國傳·····二五五

儒林傳序……………二八四

循吏傳序……………二九二

酷吏傳序……………二九五

游俠傳序……………二九七

高帝紀

高祖，^①沛豐邑中陽里人也，^②姓劉氏。母媼，嘗息大澤之陂，^③夢與神遇；
是時雷電晦冥，父太公往視，則見交龍於上。^④已而有娠，^⑤遂產高祖。

○高祖名邦，字季。

○沛，秦縣，故城在今江蘇沛縣東。豐，秦沛縣邑，漢置縣，以至今。中陽里名。

媼音奧（幺），女老之稱。息休而寐也。陂音裨（攵一），澤之隄障。

○神，即龍也。遇會也。媼，妊高

祖，夢與龍會也。^⑥交與蛟同。^⑦娠，即身也。

高祖爲人，隆準而龍顏，^①美須髯，左股有七十二黑子。寬仁愛人，意豁如也。^②常有大度，不事家人生產作業。及壯，試吏，^③爲泗上亭長，^④廷中吏無所不狎侮。好酒及色。常從王媼武負貫酒，^⑤時飲醉臥，武負王媼見其上常有怪；高祖每酤，^⑥留飲酒，讎數倍，^⑦及見怪，歲竟，此兩家常折券棄責。^⑧

○隆[△]高也。準[△]鼻也。顏[△]眉目間也。

○豁[△]如開大之貌。

○試[△]吏試用爲吏也。

○泗[△]水名泗上亭泗

水亭也。在今沛縣東。秦法十里一亭。亭長長亭之吏也。

○廷[△]郡府廷也。

○王[△]武皆姓也。負[△]老母

也。貰[△]音世（尸）賒欠也。

○酤[△]買酒也。

○讎[△]亦售。讎數倍價也。

○以簡牘爲契券。折毀之棄

其所負。

高祖常繇咸陽。○縱觀秦皇帝。○喟然大息。○曰：『嗟乎！大丈夫當如此

矣！』

○繇同徭。役也。咸陽秦都。漢爲渭城縣。在今陝西長安縣東。

○縱放也。放觀無忌。

○喟然歎貌。

大讀如太。大息長歎息也。

單父人呂公。○善沛令。辟仇從之客。因家焉。沛中豪桀吏聞令有重客。皆

往賀。蕭何爲主吏。○主進。○令諸大夫。○曰：『進不滿千錢。坐之堂下！』高祖

爲亭長。素易諸吏。乃給爲謁。○曰：『賀錢萬。』實不持一錢。謁入。呂公大驚。起

迎之門。呂公者，好相人，見高祖狀貌，因重敬之，引入坐上坐。④蕭何曰：「劉季固多大言，少成事。」高祖因狎侮諸客，遂坐上坐，無所詘。⑤酒闌，⑥呂公因目固留高祖。⑦竟酒後，呂公曰：「臣少好相人，相人多矣，無如季相，願季自愛！臣有息女，⑧願爲箕帚妾。」酒罷，呂媼怒呂公曰：「公始常欲奇此女與貴人，沛令善公，求之不與，何自妄許與劉季！」呂公曰：「此非兒女子所知！」卒與高祖。呂公女，卽呂后也，生孝惠帝魯元公主。

①單父讀如善甫，秦縣，卽今山東單縣。呂公名無考。

②主吏功曹也。

③進會禮之財，與噓同。主

主其收斂之事。

④諸大夫謂秦民爵公大夫以上，令丞與亢禮。

⑤給音待（勿乃），欺也。爲謁

書刺自言爵里。

⑥上坐尊處也。

⑦詘同屈，不安意。

⑧闌希也，飲酒者半罷半在也。

⑨動目

留之。

⑩息，生也；息女，所生女。

高祖嘗告歸之田。

⑪呂后與兩子居田中，有一老父過請飲，呂后因鋪之。

①老父相后曰：『夫人，天下貴人也。』令相兩子，見孝惠帝，曰：『夫人所以貴者，乃此男也。』②相魯元公主，亦皆貴。老父已去，高祖適從旁舍來，呂后具言：客有過相我子母，皆大貴。高祖問曰：『未遠。』乃追及，問老父。老父曰：『鄉者夫人兒子皆以君，④君相貴不可言。』高祖乃謝曰：『誠如父言，不敢忘德！』及高祖貴，遂不知老父處。

①吏休假曰告。②鋪音通（ㄅㄨ），以食食人也。老父請飲，后因食之。③言因有此男，故貴。

④言以君故得貴。

高祖爲亭長，乃以竹皮爲冠，令求盜之薛治，①時時冠之；及貴，常冠，所謂劉氏冠也。

①求盜亭卒也。亭有二卒：一爲亭父，掌開閉掃除；一爲求盜，掌逐捕盜賊。薛在今山東滕縣南。薛有作冠師，故使求盜往治之。

高祖以亭長爲縣送徒驪山，^①徒多道亡；自度比至皆亡之，到豐西澤中亭，^②止飲，夜皆解縱所送徒，曰：『公等皆去，吾亦從此逝矣。』徒中壯士願從者十餘人。高祖被酒，^③夜徑澤中，^④令一人行前。行前者還報曰：『前有大蛇當徑，願還。』高祖醉，曰：『壯士行，何畏！』乃前，拔劍斬蛇，蛇分爲兩，道開。行數里，醉，^⑤臥。後人來，至蛇所，有一老嫗夜哭，人問嫗：『何哭？』嫗曰：『人殺吾子。』人曰：『嫗子何爲見殺？』嫗曰：『吾子，白帝子也，化爲蛇，當道，今者赤帝子斬之，故哭。』人乃以嫗爲不誠，欲苦之，嫗因忽不見。後人至，高祖覺，告高祖，高祖乃心獨喜自負。諸從者日益畏之。秦始皇帝嘗曰：『東南有天子氣。』於是東游以厭當之。^⑥高祖隱於芒碭山澤間，^⑦呂后與人俱求，常得之，高祖怪問呂后，后曰：『季所居，上常有雲氣，故從往，常得季。』高祖又喜。沛中子弟或聞之，多欲附者矣。

○驪山△△在今陝西臨潼縣東南。始皇死，葬驪山，故郡縣送徒士往役作。○亭△在澤中，因名。○被△加也；被酒△△猶中酒也。○徑△經也。○醉後行數里而困，故臥也。○謂所言不實。○厭△入聲，鎮也。△△△厭當之鎮厭而自當之。○陽△音宕（勿尤）芒陽二山名，在今江蘇陽山縣東南。

秦二世元年，秋七月，陳涉起薪，至陳，自立爲楚王。遣武臣張耳陳餘略趙地。○八月，武臣自立爲趙王，郡縣多殺長吏以應涉。九月，沛令欲以沛應之，掾主吏蕭何曹參曰：「君爲秦吏，今欲背之，帥沛子弟，恐不聽，願君召諸亡在外者，可得數百人，因以劫衆。」衆不敢不聽，乃令樊噲召高祖。高祖之衆已數百人矣，於是樊噲從高祖來。沛令後悔，恐其有變，乃閉城城守，欲誅蕭曹。蕭曹恐，踰城保高祖。高祖乃書帛射城上，與沛父老曰：「天下同苦秦久矣，今父老雖爲沛令守，諸侯並起，今屠沛，沛今共誅令，擇可立立之，

以應諸侯，卽室家完；^①不然，父子俱屠，無爲也。」父老乃帥子弟共殺沛令，開城門，迎高祖，欲以爲沛令。高祖曰：「天下方擾，諸侯並起，今置將不善，一敗塗地。吾非敢自愛，恐能薄；^②不能完父兄子弟。此大事，願更擇可者。」蕭曹等皆文吏自愛，恐事不就；^③後秦種族其家，^④盡讓高祖。諸父老皆曰：「平生所聞劉季奇怪，當貴；且卜筮之，莫如劉季最吉。」高祖數讓，^⑤衆莫肯爲。高祖乃立爲沛公。祠黃帝，祭蚩尤於沛廷，而擊鼓，^⑥旗幟皆赤，由所殺蛇白帝子，「所」殺者赤帝子故也。於是少年豪吏，如蕭曹樊噲等，皆爲收沛子弟，得三千人。

①陳涉名勝，陽城人，與吳廣首起伐秦。斬音其（く一）秦縣，故治在今安徽宿縣。②陳秦縣，卽

今河南淮陽縣。

③武臣陳人。張耳大梁人。陳餘大梁人。略行而取之，用力少。④曹參爲掾，蕭何

爲主吏。

⑤時苦秦虐政，有逃亡辟吏。

⑥劫勢脅也。

⑦噲音快（く又万）。

⑧城守，守城也。

⑨保依也。

⑩屠沛破沛城而盡殺其民也。

⑪完全也。

⑫能薄能力薄弱也。

⑬就成也。

⑭

誅及宗族也。

⑤數音朔（尸×亡）頻數也。

⑥釁鼓殺牲血以塗鼓也。

是月，項梁與兄子羽起吳。田儋與從弟榮橫起齊，自立爲齊王。韓廣自立爲燕王，魏咎自立爲魏王。陳涉之將周章，西入關，至戲，秦將章邯拒破之。

①吳地在今江蘇。

②儋音旦（勿馬）齊地在今山東。

③周章字文，陳人也。

④戲水名，在今

陝西臨潼縣東。

秦二年，十月，沛公攻胡陵方與。還守豐，秦泗川監平將兵圍豐。二日，出與戰，破之。令雍齒守豐。

①胡陵秦縣，在今山東魚臺縣東南。方與，讀如房預，秦縣，在今魚臺縣北。

②泗川，卽泗水郡，秦置，

漢改爲沛郡，今江蘇安徽皆有地屬焉。監，秦官名，平，監之名也。

十一月，沛公引兵之薛，秦泗川守壯，兵敗於薛，走至戚。沛公左司馬

得殺之。^③沛公還軍亢父，^④至方與。

○守官名。[△]壯守名也。

○咸秦縣，在今山東滕縣南。

○得而殺之。

④父，讀如甫；[△]亢父，秦縣，在今

山東濟寧縣南。

趙王武臣爲其將所殺。

十二月，楚王陳涉爲其御莊賈所殺。^①

○涉爲章邯所敗，賈遂殺涉以降秦。

魏人周市略地豐沛，使人謂雍齒曰：「豐故梁徙也，^①今魏地已定者數十城，齒今下魏，魏以齒爲侯，守豐；^②不下，且屠豐！」雍齒雅不欲屬沛公，^③及魏招之，卽反爲魏守豐。沛公攻豐，不能取。沛公還之沛，怨雍齒與豐子弟畔之。正月，張耳等立趙後趙歇爲趙王，東陽甯君秦嘉立景駒爲楚王，^④在留，沛公往從之；道得張良，遂與俱見景駒，請兵以攻豐。時章邯從陳，^⑤別將司馬巨

⑦將兵北定楚地，屠相。⑧至碭。⑨東陽甯君沛公引兵西，與戰蕭西。⑩不利，還收兵聚留。二月，攻碭，三日，拔之。⑪收碭兵，得六千人，與故合九千人。三月，攻下邑。⑫拔之，還擊豐，不下。四月，項梁擊殺景駒，秦嘉止薛，沛公往見之，項梁益沛公卒五千人，五大夫將十人。⑬沛公還，引兵攻豐，拔之，雍齒奔魏。

①魏畏秦，徙大梁，故梁卽魏地，至梁惠王孫假爲秦所滅，乃徙豐。②封雍齒爲侯，令守豐也。③

雅素也。④東陽秦縣，故治在今安徽天長縣西北。甯君甯，姓稱君也。秦嘉，凌人，初起於郟，號大司

馬。景駒，人姓名，楚族。⑤留秦縣，故城在今江蘇沛縣東南。⑥從陳追討陳涉也。⑦巨古尼字。

⑧相秦縣，故城在今安徽宿縣西北。⑨碭秦郡，以碭山名，今河南江蘇安徽皆有地屬之。⑩

蕭縣名，在今江蘇蕭西。蕭縣西北。⑪拔攻克也。⑫下邑秦縣，故城在今江蘇山縣東。⑬五

大夫秦第九爵，以五大夫爲將凡十人也。

五月，項羽拔襄城還。①項梁盡召別將。②六月，沛公如薛，③與項梁共立

楚懷王孫心爲楚懷王。^④

①襄城縣名，在今河南。

②別將小將別在他所者。

③如往也。

④秦滅六國，楚最無罪，尤以懷

王入秦不返而哀之，故立其孫，以祖諡爲號，以順民望。

章邯破殺魏王咎齊王田儋於臨濟。^①七月，大霖雨。沛公攻亢父。章邯圍

田榮於東阿。^②沛公與項梁共救田榮，大破章邯東阿。田榮歸。沛公項羽追北，

至城陽。^③攻屠其城。軍濮陽東。^④復與章邯戰，又破之。章邯復振，守濮陽，環

水。^⑤沛公項羽去攻定陶。^⑥八月，田榮立田儋子市爲齊王。定陶未下，沛公與

項羽西略地至雍丘。^⑦與秦軍戰，大敗之，斬三川守李由。^⑧還攻外黃。^⑨外黃

未下。項梁再破秦軍，有驕色，宋義諫，不聽。秦益章邯兵。九月，章邯夜銜枚擊項

梁定陶。^⑩大破之，殺項梁。時連雨自七月至九月。沛公項羽方攻陳留。^⑪聞梁

死，士卒恐，乃與將軍呂臣引兵而東。徙懷王自盱台都彭城。^⑫呂臣軍彭城東，